

իրագործել իր ծրագիրը, այն ժամանակ Վրաստանը օղակաձև կը լինի քեմալական-բոլշևիկեան ուժերով»: Նոյնն էր ասում և ազգ.-դեմ. «Սաքարթևելո»-ն. «Ընդհանուր վտանգը թելադրում է Հայաստանին ու Վրաստանին լարել բոլոր եռանդն ու պահպանել ազգային ազատութիւնը, որ մեր լաւագոյն զաւակները արիւնով է ձեռք բերւած: Դաւադիր թշնամին վոնդելու համար մենք զինուորական դաշինք պէտք է կապենք... Վրաստանի և Հայաստանի զինուորական դաշինքի հարցը պէտք է մեր ընթացիկ քաղաքականութեան հարցը դառնայ»: Նմանապէս և սոց.-ֆեդ. «Սախալիս Սաքմէ»-ն. «Հայաստանի դժբախտութիւնը մեր՝ Վրաստանի դժբախտութիւնն է. բռնապետական բռունցքը միայն Հայաստանին հարածելու նպատակով չէ բարձրացած, այլ և Վրաստանի կուրծքը ջախջախելու համար է պինդ սեղմւած: Հայաստանի դէմ ուղղւած սուրը Վրաստանի ազատութեանն էլ է մահացու հարւած սպառնում»:

Ընդհակառակը, թիւրքերի յարձակումը Հայաստանի վրա անխառն հրճանք առաջ բերեց բոլշևիկները շարքերում: Վրաստանի Կոմկուսի պաշտօնաթերթ «Կոմունիստ»-ը (հոկտ. 24), թիւրքերի յառաջխաղացման առթիւ գրում էր ցնծութեամբ. «Մնում է միայն ուրախանալ, որ դաշնակցական Հայաստանը գտնուում է այն սլոգանարող կովի դրութեան մէջ, որին Աստուած եղջիւրներ չի տւել»: Բազուի «Կոմունիստ»-ը բուն խմբագրականներ էր գրում ի նպաստ Մուստաֆա Գեմալի և ընդդէմ Հայաստանի: Պակաս չէին մնում և հայ կոմունիստները. նրանք ևս շարունակում էին կատաղի յարձակումները Հայաստանի վրա և աշխատում էին վարկարեկել Հայաստանի կառավարութիւնը յաչս Խորհրդային Ռուսաստանի: Այս տեսակէտից պերճախօս մարդկային վաւերագիր է հետեւեալ կոչը՝ ամբողջ աշխարհին, որ հրատարակեց Բազուի «Կոմունիստ»-ի հոկտ. 8 համարում:

«Անդրկովկասի ու ամբողջ աշխարհի բանւորներին և զիւղացիներին, Կոմունիստական Ինտերնասիոնալին, Արհեստակցական Միութիւնները Միջազգային Խորհրդին և Գործունէութեան ու Պրոպագանդի Խորհրդին».

Ալեկոծւող Արևելքի սրտում, Անդրկովկասի ու ամբողջ աշխարհի բանւորազիւղացիական լայն զանգւածների համար աննկատելի կերպով, միջազգային իմպերիալիզմի գործակալները — դաշնակիների ողորմելի աւագակների կառավարութիւնը զնդակահարում է Հայաստանի լաւագոյն զաւակներին — կոմունիստական կուսակցութեան և արհեստակցական միութեան անդամներին: Հայաստանի բանտերը լի են կոմունիստներով և ապստամբւած բանւորներով ու զիւղացիներով:

Լայն զանգւածների աչքում անանկացած, բայց ազգայնական պատերազմների վերջով հմուտ «Դաշնակցութիւն» կուսակցութիւնը՝ ժամանակաւոր յաղթութիւն տանելով ապստամբ բանւորա-զիւղացիական զանգւածների վրա, բռնութիւններ դործ դնելով մահմետական խաղաղ զանգւածների դէմ, այժմ հաշիւ է տեսնում Հայաստանի ապստամբւած բանւորների ու զիւղացիների և նրանց ղեկավարների՝ կոմունիստների հետ:

Հայաստանի կառավարութիւնը հաճեց նորից ու նորից տաքանալ արիւնով՝ այս անգամ կուսելով նրանց դէմ, ովքեր ուզում էին բանւորա-զիւղացիական Հայաստանը խլել նրա արիւնոտ ձեռքերից, որպէսզի հաղորդակից անեն նրան աշխատանքի և կապիտալի միջև մղւող մեծ կռիւն:

Հայաստանի մուսլու խոնաւ բանտերը, որոնք ոչ քիչ կեանքեր խլեցին արիւնալի ցարի օրով, վերածւել են կառավարական տաճարների,